



Tanü CP Radhakrishnan-i linük
tatong Tir tenangzükba agitsü

VOL. XXII ISSUE NO. 329 (ADOK 329) DIMAPUR ROGONÜ (FRIDAY) RONGJUI (SEPTEMBER) 12, 2025 ₹ 5.00

Nagaland nungi Nepal nung oa alirtem dang sangoktsür

Dimapur, Rongjui/Sept. 11 (TYO): Nepal nungi tensa menjungi aliba aser Ministry of External Affairs (MEA), Government of India ajanga tekumdagtsü sangdongba ama, Nagaland nungi Nepal nungi oa maruteti alir emergency aser danga tevari asoshi State Emergency Operation Centre (SEOC), NSDMA, Home Department, Govt. of Nagaland seoc.nsdma@gmail.com m e s ü r a sdma.nagaland@gmail.com mesüra Ph. 0370-2291122/ 2291120/ 2291123 ajanga tongteprateptsü osang sangoktsür,

ta Nagaland sorkar sangdong ka ajanga ashi.

Maneni Embassy of India, Kathmandu, Nepal den Helpline no: 977-9808602881 / 977-981032613 ajanga tongteprateptsü akok, ta ashi.

Nagaland nungi tang Nepal nungi oa alirtem dang pei aliba tesem nungi jenoka alitsü yimtong nungi mesenzütsü aser kanga kumdanga alitsü ayongzüker. Nepal ketdangsür aser Kathmandu nungi aliba Embassy of India ajanga advisories agütsüba sülen anidaktsü ayongzüker, ta sangdong ajangasa ashi.

HC-i Centre nungi telangzüba meshir

Dimapur, Rongjui/Sept. 11 (TYO): Gauhati High Court ajanga Union of India dang Nagaland indang central pool quota kubok army officers tanur temi MBBS menden agütsü temsüa alia maliar jangjajang ta totuyuba agütsüo.

Kohima nungi posting aliba army colonel ka jala Vatsala Panghal nem central pool MBBS menden ya agütsüo ta August 14 nü Kohima Bench obendang anema Nagaland sorkari benokba ken o September 8 nü jembidang division bench ka indang Justice Michael Zothankhuma aser Justice Anjan Moni Kalita nati iba totuyuba ya agütsüo.

July 28, 2025 Office Memorandum indang clause 4 nungi "central/other state/UT govt. nungi inyaker posting aser headquarters state/UT nungi alirtem temsüa lir" ta ashiba nungi defence personnel dena ali asü mali, ta court-i asüngdang.

Nagaland sorkari iba clause ya

Nagaland sorkari "Distinguished Holistic Organic Developments Award 2025" angu

Dimapur, Rongjui/Sept. 11 (TYO): IFOAM-Organic Asia ajanga Messe Dusseldorf den lungiemer Shanghai, China nungi September 3-5, 2025 anogotem Organic Festa Asia ayongzüka mapanga Nagaland sorkar nem Distinguished Holistic Organic Developments Award 2025 agüja liasü.

Iba sempet ya State sorkar tenüng nungi P. Tokuga Sema, Director, Industries & Commerce aser Medemshiba, Additional Director, Horticulture Department nati agizüka liasü.

State nungi organic yimya amshiba aser organic produces temabaijenjangi ajungketaiksü temaitsü iba sempet ya agütsü. Chief Minister lenisüba kubok Nagaland ya MOVCNER (Mission Organic Value Chain Development for Northeast Region) kubok organic jenjang angutsü asoshi meranga inyaker.

Entrepreneur Lanuakum Imchen-i meranga inyakba yong state nem iba konang bener arutsü.

Kohima DC-i Dimapur-Kohima BG Railway Line semdang



Deputy Commissioner, Kohima, B Henok Buchem den district ketdangsür temi September 11, 2025 nü Mengujuma Village, Kohima nungi Dimapur-Kohima New BG Railway Line project semdanga mapang tangokba noksa ka angur.

Dimapur, Rongjui/Sept. 11 (TYO): Deputy Commissioner, B Henok Buchem, NCS aser district ketdangsür temi September 11, 2025 nü Mengujuma village, Kohima nungi Dimapur-Kohima

liaüsü. Parnoki Dimapur nungi Kohima district tashi iba railway line ya phase asem nungi yanglur aser December 2029 nungi renemtsü nükjidong lir ta ashi.

Ajisüaka Prime Minister's Office (PMO) nungi totuyuba ka agüja aliba den lirumedema December 2028 tashinung renemtsü meranga inyaker.

Iba presentation nungya Kohima Alignment kubok Tunnel Number 10 nungi tali ranglok, koba project nungi longpok talangtiba jenjang tanabuba (5.5 kilometers) lira ser iba sülen Chümoukedima district kubok Tunnel number 7 alitsü.

Iba mapang geological challenges ajanga Tunnel Number 10 nungi kongshiba indang rateta ashi aser region ya 'highly active geologically' nungi lir ta ashi. Iba yongji lendong balala nungi kumzüka alitsü asoshi mera balala agiogo aser iba

tesem nungi tanen makai ali arakzükba tebilemtsü bentetsü asoshi 'contingency plans' balala yanglua lir, ta ketdangsür temi ashi.

Kasa mapang longpok tongtiba indang 'typical cross-sections' aser 'escape tunnel' indanga jembiba den longpok yangludang ajangshiba noksa tem lemsatepa liasü.

Mera ajak nungi safety protocols kanga junga amshiba ajanga nisung asü-amaba kata mali ta ashi.

Maneni Mengujuma Railway Station bushia aohba lenmang tajungtiba nungi renemtsü atema nüngdakba departments, R&B aser NST tem dang teka amteper inyaktsü ashi.

Kohima DC, B Henok Buchem-ia construction team tem dang administration-i akok tashi yariteptsü mulunga lir ta ashi.

NRMSATA-2016 longkak aitba manentsü

Kohima, Rongjui/Sept. 11 (TYO): Nagaland RMSA-2016 Batch tesayur temi longkak ait tenzüker pezünü buba nungi sorkar ketdangsür temi Brehostibarnü Civil Secretariat, Kohima nungi longkak aita aliba tesayurtem den jembishinü aka, saka tangatettep kati maruteti tembang.

Temulungtetba tulu nungi longkak aiter aser tesayur karbo pei tanur tila anir adenshia liasü.

Longkak aiter temi placards amer ola tulu adoka 'mapa kasa, taa kasa' agütsü, 'kasa tesayur RMSA 2010-13 batch den sako scale pay agütsü' ta ayimtena liasü, koba Hombarnü nungi longkak ait tenzüka state nungi school 133 nungi kakethirtem dak kongshia lir.

Tesayurtem service benefits dak sendakba nungi Supreme Court ajanga obendang agüja aliba nungi Nagaland sorkari mera magiba asoshi longkak ait ya tenzük.

Anogo asem tashi

NRMSATA-2016 temi Directorate of School Education kima mener longkak aita liasü. Telangzüba tajung kecha magütsüba yong, parnoki longkak tesashiba aita Brehostibarnü nungi Civil Secretariat area nungi tesem mesemteta amener.

Longkak aitba mapang Commissioner & Secretary of School Education, Kevileno Angami; Mission Director Samagra Shiksha Nagaland L. Jamithung Lotha aser ketdangsür temi Nagaland RMSA-2016 Teachers Association den tangatettep kati arutsü asoshi senden ka mena liasü.

Ajisüaka anepdang 11:00 ako nungi nikongdang 6:30 ako tashi amenba senden nungi tangatettep kati maruteti tembang ta ashir, kong sorkari Supreme Court nungi review petition ka benoka aliba nungi obendang magütsü aliba nungi ajang-ajanga nokdak saka obendangba maparen tembangba sülen tapet mera

agütsü ta shia liasü.

NRMSATA-2016 den jembishinü nungi tamakok ajuruba sülen sorkari All Nagaland School Teachers Association (ANSTA) den senden balaka amen, ajisüaka yangjia tangatettep kati maruteti tembangba liasü.

School Education Department nungi ketdangsür kati osangbener dang ashiba agi, iba senden nungi Commissioner & Secretary aser department ketdangsür temi NRMSATA-2016 ketdangsürtem dang Special Leave Petition (Civil 19524/2022) nungi May 20 nungi totuyuba agüja aliba anema Supreme Court nungi August 14 nungi State sorkari review petition benoka alinungji iba ken o sub judice nungi lir, ta ashi.

Ajisüaka NRMSATA-2016 tir Imlitemjen Imchen-i osangbener dang ashiba agi, "Department-i ayongzüka onoki magizük. Onoki akhangba ya tejangga aser shidak lir aser aji matalok tashi onoki maneni longkak aittsu."

Mokokchung CMO office nung lepa reprangshiba senden amen



Department of Health & Family Welfare Mokokchung kubok inyakyim balala lepa reprangshiba senden alidang tangokba noksa angur.

Dimapur, Rongjui/ September 11 (TYO):

Department of Health & Family Welfare Mokokchung kubok inyakyim balala lepa reprangshiba senden ka Mokokchung Deputy Commissioner Ajit Kumar Verma, IAS lenisuba nung september 10 nu DC Conference Room nung agiogo.

Senden nung mendenbuba aser Mokokchung Deputy Commissioner Ajit Kumar Verma, IAS-i, zungsem ajak pelashishia agizükbe den, senden ya health dak sendakba nung inyakyim balala lepa

reprangshitsü aser district nung mapa tajungba inyaka aotsü atema kati ka ajungshiteptsü asoshi amener, ta ashi.

Paisa, lokti nem health service balala agütsü asoshi vertical sentongtem lokteptsü aser allied department tema longjemerinyaktsü ajungshi, ajita asünungdang district nung inyakyimtem tajungba kuma ajungkettetsü, ta ashi. Maneni DC-i, lokti ajangzükdaktsütsü atema züngsemtemi bendanga agüja meranga inyakba atema parnok nem tenüngsang agütsü.

Kasa mapang nung Chief Medical Officer Mokokchung

Dr. Sentzungla Marina Yaden-i, district nung tetsüdkaktsütsü balala ajangshiba aser tangsa tang bentettsü nüngdaka aliba ken o tem indang metedaktsü.

Department of Health & Family Welfare Mokokchung kubok Programme Officer ajaki inyakyim balala benoka inyakba aser tang tinyakdak alibatem indang PowerPoint presentation agütsü aser district nung Health sector jenjang ajungkettetsü asoshi parnok tebilebatem lemsatepba den tetsüdkaktsü balala ajangshibatem indanga lemsatepa liasü.

DALT-i Naga united yimtsüng nung tatalokba aitsür sangdong ajanga metedaktsü.

Dimapur, Rongjui/September 11 (TYO): September 7 nu Naga united yimtsüng nung prangbong injang bener ozüng alema inyaksangshiba nisung telok kati tanur tetsü ka amokmerena merenshiba aser rakzürakdemertem iüber tem adenshiba tesem aser nije kidangi tua amokmerenba aser nüburtem merenshiba tali kuma aoba indang law enforcing agency tem nem metedaktsüner, ta ashi.

CCTV raksatsüba aser

DVR bener aoba ya kuli raksatsüba den kasa lir. DALT-i, kechiba ceasefire temzüng ozüng ajang ajanga mebenoker, aser inyakyim meshidak alibatem meyanglushir ta kasa sangdong ajanga ashishia liasü.

DALT, lendong ajanga kongshir alila aser lar kibong den nokdaka lir aser aibelenertem anema jenjang tapet agitsü asoshi law enforcing agency tem dang mepeshir, ta DALT Media Cell-isa metedaktsü.



Industries & Commerce, Advisor, Hekani Jakhalu den Executive Director, Bank of Baroda, Beena Vaheed aser tanga ketdangsertemi September 10, 2025 nu Bade Village, Chumoukedima nung Financial Inclusion Saturation Camp agidang beneficiaries nem Sanction shidi ka lema agütsüba noksa nung angur.

Wokha Social Welfare Dept-i tetushi agütsüba sentong ayongzüka agi

Dimapur, Rongjui/ September 11 (TYO):

Pradhan Mantri Matru Vandana Yojana (PMMVY) campaign drive takok ngua tembangba nüngdem nung Department of Social Welfare, Wokha-i tetushi agütsüba sentong ka ayongzüka agiogo. Iba sentong ya Deputy Commissioner Conference Hall, Wokha nung September 11 nu agia liasü.

Sentong nung Deputy Commissioner aser Mission Shakti Wokha mendenbuba Vineet Kumar, IAS alakteta jaoker liasü. O jembiba mapang pai, district nung Anganwadi worker temi anibelem mesasai bendanga agüja inyakba atema parnok nem tenüngsang agütsü. Paisa, field nung inyakertem tetsüdkaktsü balala ajangshiba indang lemsatepba den parnok dang parnok mapa ajanga tetsür aser tanurtem taküm libaliro jenjang tajungba kümdaktsütsü ajungshia liasü.

Sentong nung Anganwadi Centre aser worker tajungtiba 11 nem kuli kaket aser senpet agüja tushia liasü. Iba den bendenloksema sector supervisor pongu nem parnok mapa tajung asoshi kuli kakettem agütsü.

asrer Chukitong nungi Anganwadi Worker Nchumbeni Ezung nati tajangshiba lemsatepa liasü. Tenati campaign mapang inyakyimtem, grassroot jenjang nung temelensi adokdaktsüba indang lemsatep, aser Deputy Commissioner, DHEW, DPO, aser CDPO tem dang iba inyakyim tepeyong parnoki maneni nongita yariba aser len sayuba atema kanga pelaba lemsatepa liasü.

Sentong nung Anganwadi Centre aser worker tajungtiba 11 nem kuli kaket aser senpet agüja tushia liasü. Iba den bendenloksema sector supervisor pongu nem parnok mapa tajung asoshi kuli kakettem agütsü.

PMMVY commitment drive ya July 15 nungi August 15 tashi Wokha district ajunga nung benoka inyakogo. Wokha district-i alizüng tasen ka tongteta iba inyakyim tajungtiba benoka inyakba district tem rongnung parnok Nagaland

nung temaba jenjang nung liasü aser national jenjang (All India Rank) nung pezübuba nung liasü.

Sentong ya DMC, DHEW Wokha, Wonjano E. Enny lenisuba nung agi aser District Programme Officer, Bonathung Ngullie-i lokti pela agizükba o jembia liasü.

Pradhan Mantri Matru Vandana Yojana (PMMVY) ya India sorkari mashisa aliba aser mama yongdakja aliba tetsürtem aser talisa sensakertem nongita yaritsü atema amenokba maternity benefit scheme ka lir.

PMMVY 2.0 kubok temsüa aliba beneficiary tem nem mezüngbuba tanur asoba mapang sen 5000 agütsür aser tanabuba tanur tetsür süra sen 6000 agütsür. Iba scheme ajanga mozükidangi oa tanur asotsü, chiyongtsü tapet achitsü aser tanurtem takaratiba nung anepalutsü ajungmesor. Iba scheme ya Ministry of Women and Child-i benoka inyaker.

Dimapur, Rongjui/ September 11 (TYO): Government of Nagaland-i tajungshi o jembitsü. Sentong nung Speaker, Nagaland Legislative Assembly Sharingain Longkumer-ia Ao Legislator tem tenüng nung o jembitsü.

Iba Conference ya state kubok tesem balala nungi Ao officers tem atema mezüngbuba Conference asütsü, anungji iba sentong nung Aoer officer tem ajaki arua shilem agitsü mepeshia metedaktsüo.

East Dimapur Town Council-i metedaktsü

Dimapur, Rongjui/ September 11 (TYO): East

Dimapur Town Council-i sangdong ka ajanga, EDTC kubok nüburtem, shishilemba balala aser yokyatsüyartem ajak dang, kija aser lokti tentet kecha nema EDTC kubok aliba tesemtem nung shishilembartem mesüra yokyatsüyartem nungi züngsem saru, tenla, mesüra subscription from kecha sarutsü memelatsü, ta metedaktsüo.

Iba amala inyakyim asoshi kecha temelaba agüja mali aser iba ya inyaktsü memelar. Kija mesüra lokti kari danga saru balala saruba ngutetra temzüng ozüng dak ajemdaker jenjang

tapet agitsü, ta kasa sangdong ajanga metedaktsü.

Kasa mapang nung, hopta shia bazar ka September 19 nu nungi tenzüka Hokolbar shia Daily Bazar, East Dimapur Town nung amentsü ta nüburtem aser shishilembartem nem metedaktsüo.

Local aser non-local yokyatsüyartem ajaki iba bazar nung shilem agia pei osettem ayoktsü aser ajungketsü atema iba maongka ya agitsü ayongzükogo.

Item tetuyubatem temulungdang yur Town Council den teka amteper inyaktsü asoshi kasa sangdong ajangsa metedaktsüo.



Nagaland Handloom & Handicrafts Development Corporation-i ayongzükba Handloom Exhibition September 10 nu Department of Industries and Commerce, Govt. Of Nagaland, Director P Tokugha Sema-i lapoktsüo. Exhibition ya September 23 tashi agitsü.



September 11, 2025 nü Varanasi nung Ato kilonser, Narendra Modi aser Mauritius Ato kilonser, Navinchandra Ramgoolam na senden amendang tangokba noksa nung angur.

October ita nungi linük tesem ajaklen SIR mapatong benoktsüa akok

New Delhi, Rongjui/

September 11 (Agencies):

October ita nungi linük tesem ajaklen electoral roll yanglubishi mapatong Special Intensive Revision (SIR) benoktsüa akok, ta Election Commission osang ka ajanga metedaktsü.

Bodhbarnü states aser union territories ajak nungi Chief Electoral Officers (CEOs) senden amenba mapang nung electoral roll inyakim tasenba atema jembiogo, aser ajaki mapatong tasenbaji benoktsü atema bangjema liasü.

Election Commission-i tawa Bihar nung mezüng SIR benoka liasü. November ita nungi Bihar nung state assembly elections agitsü lia iba mapatong benok.

Bihar election

matemdangsa states aser union territories ajak nung Special Intensive Revision (SIR) agitsü atema sangdong agütsütsü.

Bodhbarnü conference den workshop repsema agiba mapang nung states/union territories nungi CEO tem dang, SIR mapatong benoktsü atema mapang kobika agitsü, ta asüngdanga liasü. Ajioda CEOs teimbakati SIR atemaj September tashi nungbo renemtsü akok ta shiogo, anungji mapatong tasenba ya October ita nungi tenzüksü.

Ghonda asem ser tesadang shi senden amenba mapang nung SIR atema jembi. Election Commission-isa state balala nungi CEOs dang SIR atema koba documents sa agitsüar

renemang, ta tuyuogo.

State aser region sasep nung SIR atema documents balala agitsü. Tatishitsü agi, tribal nütsüng aliba state tem nung maitsü jangjatsü aser talidak kuli atema iba sasep nungji documents agitsü aser state kar nungbo regional autonomous councils aser local bodies-i agütsüba certificates agitsü akok.

Election Commission-i, Special Intensive Revision mapatong benokba tongtibang nükjidongtemji voter lists nungi asürtem tenüng indoktsü, teti atema tesem melenshirtem tenüng indoktsü, tenüng khen dak tali züluoka aliba indoktsü, bendangertem tenüng indoktsü aser temsüa alir senso ajak tenüng züngoktsü atema lir.

Bihar nung RJD lenir, Rajkumar Rai khaset

New Delhi, September 11

(Agencies): Mongolbar aonung Bihar yimtiba, Patna nung Rajendra Nagar Terminal anasa Rashtriya Janata Dal (RJD) lenir, Rajkumar Rai khaset.

Tenük kuli alirtemi ashiba agi, mejangjaba nisung anati Rai arishia aoba sülen pa dak injang trok khaloktsü; iba sülen Kankarbagh Main Road tsütsüleni jena ao.

Iba tatalokba sülen police teams aser forensic mongintem iba tesem jagi ao. Parnoki injang terep trok

angu. Parnoki kiyong nung aliba CCTV noksatem reprangba den külemi iba tesem nung aliritem dang asüngdangyaa bushisüngdanga maparen tenzükogo.

Arrshi küm 52, Rajkumar Rai ya Vaishali district kübok Raghpur nungi lir.

Patna East nung City Superintendent of Police, Parichay Kumar-i, "10.09.25 anogo nung Chitragupat Nagar police station kübok Rajendra Nagar Terminal anasa nisung ka injang agi yiruba osang onok nem

metedaktsü. Pa hospital nung treatment tagidak mapang nung süogo. Police team iba tesem jagi oa anasa aliba CCTV noksatem bendena reprangogo. FSL team nem-iba osang metedaktsü. Iba tesem nungji injang terep trok angu aser aibelenertem aputsü atema maneni mita odar," ta metedaktsü.

Police-i ashiba agi, Rai ya RJD den tesendaktep lir, aser taruba Bihar assembly election nung pai Raghpur constituency nungi tokteptsü tebilemba liasü.

Tamalen-a pai iba menden nungi toktepa liasü aser Vaishali district nung RJD Panchayati Raj cell district Tir inyaka liasü.



Ramanathapuram (Tamil Nadu), September 11, 2025: Taoba mapang sepai aser Tamil Nadu nung Congress lenir, Immanuel Sekaran sur küm 68 ajungba anogomong nung asür nem akhüm agütsüba sentong ka nung Tamil Nadu Deputy Chief Minister, Udhayanidhi Stalin adenba noksa nung angur.

CRPF-i Rahul Gandhi security atema tebilemtsü akaba lemsatep

New Delhi, Rongjui/ September 11 (Agencies): Brihostibarnü Central Reserve Police Force (CRPF)-i

Congress lenir, Rahul Gandhi-i bendang linüktem semdangba mapang nung security atema lateta aliba inyakim alema aiben inyakba atema tebilemtsü akaba lemsatep.

Security telatetba alema inyakba ajanga Congress leniri taküm lendong ajurutsü akok, ta CRPF-i shidi ka ajanga metedaktsü.

CRPF-i yimjak nung shidi ka ajanga Congress Party Tir,

Mallikarjun Kharge dang, Rahul Gandhi-i security dak sendakba nung inyaksangshiba atema onoki pa taküm asoshi tebilemtsü katsür, ta metedaktsü.

CRPF-i, Rahul Gandhi nem Z+ cover security den Advance Security Liaison (ASL) team agütsü, ajisüaka pai aiben pa taküm lendongi aitsüa inyaker, ta metedaktsü.

Central Armed Police Force (CAPF) sepaitemia temeja shidi ka Rahul Gandhi nem

agüja, nai security dak

sendakba inyakyim alema inyakba ajanga onok tebilemtsü akar, ta shiogo.

Kasa shidi ajanga Rahul Gandhi dang, nü taküm kümzüksü atema tarutsü nungbo security dak sendakba telatetbatem benshidaktsüner, ta mepishiogo.

CRPF-i, security dak sendakba telatetbatem kar alema inyakra ibaji ajanga kanga tongtibang nisungtem nem agütsüba security tashi meiti kümdaktsü, ta metedaktsü.

Kasa shidi nungji Rahul Gandhi-i Italy, Vietnam, Dubai, Qatar, London aser Malaysia densema linük balala semdangba mapang nung security protocol alema inyakba shia lir.

Security dak sendakba "Yellow Book" protocol kübok bendanglen semdangtsü sentong alibaji security wing nem jelia metedaktsü; iba nungji ajemdaker security peria agütsü, ajisüaka Rahul Gandhi-i aiben yamaji meinyaker.

Tanü CP Radhakrishnan-i linük tatong Tir tenangzükba agitsü

New Delhi, September 11

(Agencies): Hokolbarnü CP

Radhakrishnan-i linük tatong Tir tenangzükba agitsü; Tir Droupadi Murmu-i ketdangsüa Radhakrishnan nem tenangzükba agidaktsü, ta ketdangsertemi metedaktsü.

Taoba mapang Maharashtra Angh, Radhakrishnan-i Mongolbarnü tatong Tir election nung opposition candidate Sudershan Reddy madak takok ngua liasü.

Hokolbarnep 10:00 ako nung Rashtrapati Bhavan nung tatong

Tir tenangzükba agiba sentonggi agitsü.

Taküm July 21 nü Jagdeep Dhankhar-i ajungbena tatong Tir menden nung anenba ajanga iba election agitsüa aküm. Radhakrishnan-i iba election nung takok anguba sülen Brihostibarnü Maharashtra Angh menden nungi anenogo.

Maharashtra Angh mapa repsema inyaktsü atema Tir, Murmu-i Gujarat Angh Acharya Devvrat shimogo, ta Rashtrapati Bavan sangdong ka ajanga metedaktsü.

FORM NO. 14
[See Regulation 33(2)]

OFFICE OF THE RECOVERY OFFICER- II/II
DEBTS RECOVERY TRIBUNAL, GUWAHATI
Suwana Bhawan, House No. 12, New Town Path,
Near Hanuman Mandir, G.S. Road, Ulubari, Guwahati- 781007 (Assam)

DEMAND NOTICE

Recovery of Debts & Bankruptcy Act, 1993 nung Sections 25 nungi 28 tashi aser Income Tax Act, 1961 nung Second Schedule kübok Rule 2 nung ajemdaker notice agütsü.

RC/210/2024

CANARA BANK

-Versus-

ER N NYIMTHUNGLOTHA

To,
(CD 1) ER N NYIMTHUNGLOTHA, Son of Mr. S Nhyingo Loha, Resident of 7th Miles, Block 4 / 236, Chumukedima, Dimapur, Nagaland- 797112.
(CD 2) SRI BILSON KIKON, Resident of Nagarjan, Dimapur, Nagaland- 797112.

OA/450/2022 nung DEBTS RECOVERY TRIBUNAL GUWAHATI Presiding Officer-i tuyuba nung ajemdaker Recovery Certificate nung aliba ama sentsü Rs 35,45,806.92 (Rupees Thirty Five Lakh Forty Five Thousand Eight Hundred Six and Paise Ninety Two only) den pendentellite aser 01/09/2022 anogo nungi sentsü mouma tashi future interest @ 15 % Compound Interest Monthly aser costs Rs 1,01,255 (Rupees One Lakh One Thousand Two Hundred Fifty Five only) na anema lir (Jointly and severally Fully/Limited).

(1) Recovery Certificate nung aliba sentsü: Rs. 35,45,806.92
(2) 01.09.2022 nungi 18.09.2024 tashi interest @ 15% p.a. Rs. 10,89,971.05
(3) Costs Rs. 1,01,255.00

TOTAL

2. Nü däng iba notice agütsüba sülen anogo 15 tsüngda temalen shia aliba sentsühi agüjäng ta tuyur, mesüra Recovery of Debts Due to Banks and Financial Institutions Act, 1993 aser Rules nung ajemdaker sentsü alangzüksü atema inyaksangshitsü.

3. Taruba ken o angadangba anoga matongdangsa nü kiojen osang affidavit nung sangdongang ta nü däng tuyur.

4. Maneni ken o angadangtsü aterna nü dang 07.10.2025 anogo nung anepdang 10:30 ako nung tsünglangen sign süa alir matsungdangi arung ta tuyur.

5. Temalen shia aliba senotsü dak alia nai item ya-a agütsüsa akümtsü:
(a) Iba certificate notice/ execution proceedings sülen nungi tenzüka interest.

(b) Iba notice aser warrant den külemi sentsü alangzüksü atema inyaksangshidang indokba costs, charges aser expenses ajak agütsüsa akümtsü.

Tsünglangen kü meyongnem aser Tribunal seal iba anogo nung agütsü: 18.07.2025

RECOVERY OFFICER
DEBTS RECOVERY TRIBUNAL GUWAHATI



TIR YIMYIM

YIMOBILEM (EDITORIAL)

DIMAPUR FRIDAY, SEPTEMBER (RONGJUI) 12, 2025

Akatsüba masü kadaktsütsü asoshi!

Yimten nung yimsüsür akümtsüba ya pei akatsü asoshi masü saka nübortem kadaktsütsü nükjidong nung akümtsüla, anungji yimten nung yimsüsürtem shi mertem ia baji temulung ung yur shimsüla. Ibai angatettsü asoshi, America nun gertem US nung takarjang Donald Trump ama shimer ta bilemdi, kechiyong Donald Trump-i nübortem meyong tagitsü shilem agi pa takar akümtsü memerangtsü, saka pa akaba rongsen, shisatsü aser temetetba agi par lima aser nübortem kadaktsütsü merangtsü. Aji oda, Singapore lima takar kümdaktsüsang yimsüsür Lee Kuan Yew-i ashi ama, " alima nung ni takartiba ta asüba dang nungibo alima nung Singapore, özü lima takartiba ta asüba tajungba." Iba o nung yimsüsür aser lenir shia asoshi pei lima yanglutsü asoshi tagitsü shisatsü aser teinyaktsü keta lir. Asenoki tesüiba mapang tatsüka tsüngda aseni ngua alima tesem balala nung atalokbatem reprangdangra, asenok anasa Sri Lanka, Bangladesh aser tang Nepal nung atalokbatem ya, tanga kuli agi masü saka yimsüsürtem pei lima aser pei nübortem kadaktsütsü meranga inyak masü saka pei kija akatsü asoshi dang inyakba agi nübortem timtem aser maksü aremer maremtet yimsüsürtem anema apusoba mapatem lir. Aji oda, government nung mapa ka angutsü asoshia sübokrem meshir, commission agir aser iba sübokrem sen jagi manger sangwa nung yimsüsürtem takar akümer aser sensaker aser teküpok tia nung alirtem dang nungi meshiba sen agi pei chirnurtem jangratema lidaktsüba angudang tilar aser sensaker chirnurtem mulung züreper. Atangji, asenok tashi tawar aser temeteter aikati Sri Lanka, Bangladesh aser Nepal nung atalokbatem ya tangar kini lanurtem anisaba ajanga atalokdaktsüba amai tai tongloja jembir aser iba jagi item lima yimsüsürtem pei nübortem mezüngmeshia inyakba ochimashi mapatem mimbangtsü meranger, ajisüaka kodaser nübortem mapaa maka aser chiyongtsüa maka tebok tazüng yipteni aiba mimbangtetsü? Kodaser, nübortem timtem marem tetsüng agi shiranger aser tasümang apur anogo piyong jajaba timtem aremzükttetsü? Ayangdaka maka, kangasa timtemer aser teimla mali asünungji, tangar lima nung ayanga pei taküm agi tendanga Russia aser Ukraine ama tongpang nung nokdaktsüsa akümba tiaji koda? Aji oda, pei kibong tepetzük tia nung pei tsüraburtemi abensüoshia peria magütsütet, chiyongtsü agia meperi aser pei kibong asoshi mapa temerang inyaka ayang dang pei tsürabur taküm samar, tasümangjia junga anepalu mesütet mangyima alidang, ano külen yimsüsür aser tulur chirnutem hon taribi agi temang sünga yangbanga sübor jaksajaklema sayuba angudang, sensaker chirnurtemji mulung yirur aser ain adokdaktsür. Iba ama tejashi, tekurem aser ainji temulung nung rema meyutet apokba dang takutsüngtok, revolution, ta ajar. Alima nung yimsü süpetertem asoshi dang masü saka ajak asoshi lendongji iba ama takutsüngtokba mapang ya lir. Atangji, iba ama takutsüngtokba mapa ya inyaka aotsü sentong ka renema yur tenzüker masü saka talangka aremer maremtet ajungbena pokteter, anungji shingaia kechi ataloktsüar memeteter. Aji oda, yimsüsürtem pei menden dang masü saka pei lima dena toktsür ajentsüsa yimsü süpetbaji tanga kija agia masü, pei takar kümnu dang nübortem mulung zürepdaktsüba ajanga atalokba lir. Alima nung tia ajunger asoshi tamajung ya tangar dak tama ataloka angur aser yangji tan ser melenshir, saka tia majungertem asoshi pei dak tama ataloker aser tangar dak ataloka anguyonga memelenshir. Kasaji, asenok tia ajunga agi, asenoka tangar amaji tamajung agi sünga liaka asen meketa alirtem dak dang tamajungbo tama ataloka angur. Ibai Tsüngrem temeim lir. Iba Tsüngrem temeim jagi asenok dang asenoka memelenshira, aser temulung meyiper asenok akatsü atema masü saka nübortem kadaktsütsü asoshi meinyakra, pi dak atalokba amaji asen daka ataloktsü ta jara nung zülüa sayur ta asenoki angatetdi. Alima nung rongsen nüngdak saka asen akaba agi nübortem makatsüsa aser asen jangratema aliba agi nübortem timatemtsüsa kechiba rongsen bendentsü? Itemji Sri Lanka, Bangladesh aser Nepal nung aut akümba ama, aseni ngua asen meyonga akümtsü menua mali. Atangji, asenok ajak asoshi "ni alima nung takartiba ta asüba dang nungibo, alima nung özü lima takartiba ta asübasas tajungba! Aji takoktsü!"

OLEMSABANG

**Ali Oset Bendenba Agi Taküm Maitsü Yanglutsü
Merangba Putu Ka Nung Tamanger Jenjang
(The Fate of a Believer in a Culture of Consumerism)**

~ Tiatoshi Longkümer, Kohima

(Yashi adok nungi...)

TAMANG TASEN KA:

Consumerism inyakyim yagi nisung shisatsü nung tangatetba ka bener arutsür aser aji melongi parnok asoshi tamang tamendakdak akümer. Anitet 32 nung Aaron aser Israel chirtem-i Mosa mapang talangka Sinai tenem nungi malu nung parnok lenir Mosa joko süogo ta bilema parnok tamang ranglokdong asütsü atema parnok ket nung aliba hon aser tarebi ajak bendener nashi chanu mesükba süngyanglu ka yanglur külemba ama, consumer culture yagi meimchir shisatsü nung tamang ranglokdong tasen ka bener arutsür. Aser aji joko memeteti telong tamangji kümdaktsür. Tatishitsü agi, joko oset tasen aika aliba, mesüra shishilempa bulua sütebaji ajanga pei taküm nung pei sasa jenjang tasen ka angur amai bilema tangatetba tasen ka amenloksür.

Aji oda, tamanger ka asoshi Yisu-i agütsüba tamang/taküm tetezü ta tongtipangba mesüi joko pai/mai oset alitetba ajanga medemertem pa nem jenjang tasen ka agütsüba nungtu ang pa/la tamang tuluba akümer. Israel chirtemia yamaji Mosa dang khen maka nung parnok tsükchirtem nungi kümzüktsü bilema parnoki Kanan nungeri külemba süngyanglu tsüngrem ka yanglur aser ibaji parnok tamang jenokdak tasenbaji aküm. Yamaji asen tamanger rongnunga arogo-i sayuba tamangji kodang tashi meiti kümdir nübertem taküm jenokdak asütsü atema tamang tasen ka bushitsü aser aji Consumer cultureji ajanga bener arutsür.

Meimchir ajaki langka nungbosa tamang yunür, kechiaser iba ya makai shingaia pei taküm jenjang tetezü keta melitet. Yamaji iba consumerism yagi tangar den sendaktepa tangatetba tasen ka parnok shisatsü nung yanglutsür aser iba tamangyabo pei asoshi bendenba aser pei jangratema aliba yimya tamang amenloksür.

TANÜ NAGA AROGO ASER CONSUMERISM:

Tanü asen Naga arogotem nunga consumerism shisatsü aser inyakyim ya memeteti kanga mesümoka aitogo. Tamangertem-i temoatsü ta züngshiba ajak rongsen ren aser ali oset tasen anguba/ajangzükba mesüra passed or promotion anguba ren nungi dang angatetba yimya ya consumer mentality lir. Rongsen aika arura tenla aika agütsütsü aser iba agi Tsüngrem aser arogo pelatsü ta bilemba tamangba shisatsü ya kanga bilemdangtsü mapang lir.

Tamangertem komala taküm yimya aliyonga tenla tenshi shitak agütsürbo tamang jenjang junga ali ama-i bilemba yimya ajak ya consumerism tamang jakla lir. Ano arogopurtem-i, tongtipangsa lanurtemi, arogo oset ajak branded oset dang meshiba aser item oset amshi nungdang arogo nung nütsüng renloksü ama bilemer. Iba ama tangatetba yagi arogo budget nunga nungdakba oset dang nungi aginua belemba osettem nung ang teimba endokba mapangtemsa lir (Spending more on wants than needs).

(Maneni asüng adok nung....)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazüngeri angateta agitsü mepishir

NBCC Women Dept-i 'Imagine the Future' conference ayonga agi



September 10, 2025 nü Platinum Hall, NBCC office, Kohima nung Nagaland Baptist Church Council (NBCC) Women Department-i ayongzükba "Imagine the Future Conference" nung adenertem tangokba noksa nung angur.

Kohima, Rongjui/ September 10 (TYO): Bodhbarnü Nagaland Baptist Church Council (NBCC) Women Department-i Platinum Hall, NBCC office, Kohima nung "Imagine the Future Conference" ayongzükba agiogo, aser sentong ya "Beauty in Diversity: Inspire to Shape Future" omen nung ajemdaker agi.

Anogo ka sentong nung Association balala nungi women secretaries, Argo nung leniritem aser state nung tribal tetsür tentet balala nungi nisung 90 shi aden.

Iba sentong tenzüka NBCC Women Secretary, Katoli V. Sumi-i lokti pelaa agizük aser sentong nung adenertem metetpelaja liasü.

Iba sentong nung 'All By His Grace' onük jembidang Sano Vamuzo-i, Tsüngremi

meimchirtem shia khenyongi balaka yangluba aser nükjidong balala yur yangluba indang metedaktsü.

Lai, "Asenok ajak ya khenyongi balala, aser Tsüngremer 'design' ji asen sempet lir," ta ashi.

Laisa peipei sempet meteta Tsüngremer sentong ataloktsüsü ayongzük.

Sayutsü, temelenshi adokdaktsü aser temeim den tamang ajanga lokti den sendakteptsüji Khristantem teinyaktsü mapa lir, ta laisa metedaktsü.

Kasa sentong nung NBCC General Secretary, Rev. Dr. Mar Pongener-i conference

omen nung ajemdaker jembidang pai, "Nisung tapu balala ya tetsükdaktsü ka masü saka temoatsü ka lir. Leniritem ama asenoki asen loktiliba yanglushidi süra asenooki nisung tapu balalaji

agizütettsüla," ta ashi.

"Meimchir tapu balala temeyoktep aliba ajanga asen taküm, kibongtem, Argo aser loktiliba tajungba kümdaktsü," ta paisa ashi.

Kasa sentong nung PowerPoint aser video presentations agüja liasü, aser item rongnung RBCAN-i "The Legend of Tabuanliu Gangmei", Kr. Pelenino Chase-i "Much Effort, Much Prosperity", SBAK (Nito Mount)-i "The Anishe Flower: A Legendary Tale" aser Miqlat & LifeConnect-i ministries balala indang Presentations agütsü.

Iba conference tembanga NBCC Women Board nung Chairperson, P. Angbhenla Phom-i tepela anküp o jembia liasü. Iba sülen Fellowship, Friendship & Love (FFL) omen nung ajemdaker small group fellowship agi.

China nung Pastor ka küm aika reshikangshiba sülen süadokogo



Abelen noksa nung Pastor Zhao Huaiguo aser ajichilen noksa nung China Communist Party kettangsertemi pastor Zhao puoka ayuba Cili County Detention Center semdangba mapang tangokba noksa nung angur.

September 11, 2025: China nung Hunan province kubok Cili County nung Bethel Church tenzüksang, Pastor Zhao Huaiguo-i tesüiba küm aika reshikangshi ajiangshia aruba sülen tawa süadokogo, ta International Christian Concern (ICC)-i metedaktsü.

Pastor Zhao September 05, 2025 nü asü; pa arrshi küm 60-a majung liasü.

2007 küm Pastor Zhao-i Hunan-i oa Bethel Church tenzüka liasü. Talisa kanga tantsür-tambur Khristantem tenzüksü nükjidong nung pai iba Argo tenzüka liasü.

China Communist Party-i melaba Three-Self Patriotic Movement Arogotem nung madenba Khristantem-a ika pai yaria/tenzüka aruogo.

Bethel Church tenzüka sülen Pastor Zhao aser pa kinüngtsü na anema aiben

inyaka liasü. 2019 küm nunga kettangsertemi Bethel Church mita ao aser Laishiba aika apuba den kiojen raksaja liasü.

Kettangsertemisa iba Argo nung züngsemtem dang Three-Self movement nung adentsü rongshia liasü.

Yaküm November ita nunga pastor Zhao aser pa kinüngtsü na apu aser anogo 10 lir sülen ang chioka liasü. Ozüng alema pai online ajanga training course agi, ta pa aija apu.

2020 küm March ita nung coronavirus wara aliba mapang nunga pa pua liasü. Pai sorkar tashi anema inyaktsü atema ajungmesor, ta pa aija apu.

Sorkari coronavirus wara anema junga meinyaker, ta pai sorkar aitsüba atema sorkari pa apuba sülen küm ka ser tesadang tepuokdak ayutsü atema obendang agütsü. Iba sülen pa County Detention

Center nung küm ka dak tali puoka liasü.

2021 küm September ita nung pa chiok, ajisüaka kettangsertemi pa anema maneni inyak. Police-i pa dak tenük yok, mapang shia par ki mita ao aser mapang shia pa pua liasü.

Sorkar kettangsertemisa par Argo nung züngsemtem dang nenoki Argo nem tenla kwisa agütsür, ta asüngdangya liasü.

Pastor Zhao ya tim agi asüba masü. Mapang shia kettangsertemi pa pua amokmerenba aser Argo züngsemtem nungi pilaa lidaktsüba ajanga pa aiben jashi dang liasü.

Pastor Zhao Huaiguo taküm otsü ya tamang manokshiba, tasütit tanela aliba aser pei tamang jenjang nungi masetshiba taküm kuli lir.

ANOGO ABEN TSÜNGREM DEN

Khristan ain adokba

Ain adokba temenen tebensi. Ne ain adokba manung anü teludaktsü. - Efesa 4:26.

Ain adokbai Khristan taküm raksatsüba ama tanga mapai meraksatsür. Ain adokbai pei sasa azükba samatsür aser asenoki tanga mapang nung meinyakba mapa inyaktsü ajungshir. Maneni ain adokba lira, ibaji taku akümer aser asenok mulungjang nung tajung bilemba ajak chimar. Laishiba nung tamangertem dang maneni ain adokba indoktsü aser shi jangraba temenentem rong nung ka ama zünghitsü sayur (Efesa 4:31).

Efesa 4:2 nung shia aliba o amshia asenoki asenok ain adokba metentsütsü aiben meranger! Yisui ain adokba tenla ki meshitettsüba "temeshi ain adokba" ta kuli agütsür. Efesa nung temenen menaba ain adokba indang ashir. Yisui temenen memenai ain adoktsü koka liasü. Kodang Yisui tenla ki meshitettsü, Yisu ain adoka liasü ta Laishibai mashir (Mathi 21:12-14; Mark 11:15-18; Luke 19:45-46).

Laishiba agi asenok ain adokba metentsütsü merangba asenoki kümdangtsüla. Efesa 4:31 nung ain adokba ajak indoktsü asenok nem ozüng agütsü. Iba tetezü ochiba asoshi asenok tangatetba mesüra tejangraba ajak makatsüla ta masü. Iba tetezü koba agi asenok temenen menadaktsür item temenentem indoktsü ashir. Ain adokba agi Tsüngrem telangzükba mapa bener marur; iba yagi Tsüngrem mapa tsükdanger.

Mapa kar nung na temeshi ain adoker ta nai bilemra, ne mulungjang nung temenen memenai ain adoker asü masü shisadangang. Ne ain adokba lagi na khristan kati mejembsü o jembir asü masü mesüra tangar anema miim o jembia senzür asü? Ne ain adokba lagi nai Tsüngrem memeteti aliba yimya atemzüksü adokdaktsü asü? Ne ain adok lagi kar dang Khrista mesük temeim mapa inyaktsü noktanger asü? Ne ain adokbaji nai shisadangtsüla aser iba nung temenen kar danga lira indoktsütsü Tsüngrem dang asüngdangang.

DRC nung asüpila sentong ka nung Khristan 70 dak tali khaset

September 10, 2025: Asürtem rongnung tetsür-September 9, 2025 anepdang züngia Democratic Republic of Congo (DRC) nung Lubero Territory kubok Ntoto-Mangurujipa nung Islamic telungpurtemi Khristantem amakdang Khristan 70 dak tali süogo.

Khristantemji asüpila sentong ka nung sarasademsü atema anepdang yakta adenshia aliba mapang nung Allied Democratic Forces (ADF) telungpurtem iba tesem jagi aruba sülen Khristantem dak injang khaloktsü.

Telungpurtem jagisa Khristantem meyong kiojen, gari aser motorcycles rongdoktsü.

Civil society representative, Kakule Shangilieni-i, "Iba ya metetsümonga amakba lir. Telungpurtem jagi mangyimba sentong nung adentsü atema adenshia alirtem ajak amai khasetogo," ta metedaktsü.

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Tetsüngda


(adj) ongdang, tom nung, tepila (gap, interval)

* Asenok yim ana tetsüngda talangkabo masü.

Tetsüti

(n) shiruru techanu tetsü (mother of young animals)

* An tetsüti o ak tetsüti na tesem ka nung küleme alir.

OLONG PAITEP # 7268**TIPLÉN**

2. Aunung chiyongtsüasenba

LANGTSÜNGLEN

1. Lenmang - (7)

5. Mangyimba mapang

2. Aor kidong katenüng - (6)

7. O tamendakdak

3. Tenarong maten - (6)

8. Peidak malangba

4. A_ _ _ g - (3)

10. Juli

5. Mopung apodoka - (3)

12. Sen ayudak

6. Ola adokdaktsüba - (3)

14. Tenük agi ajitet

7. Tongtipang tagitsü - (7)

15. Tamajung aküm

8. Menungra bilem - (6)

16. Apuso

9. Aiür - (6)

10. S_ _ _ k - (3)

11. T_ _ _ r - (3)

OLONG PAITEP # 7267 TELANGZÜBA**TIPLÉN :**1. Yiar, 3. Tesola, 7. Yimra,
8. Tangar, 9. Peria, 10. Tanur,
11. Tasen, 13. Lemjem, 15. Tambu,
16. Khuret, 17. Sang.**LANGTSÜNGLEN :**1. Yimti, 2. Amen, 4. Shiner,
5. Alaka, 6. Satan, 9. Putet,
10. Tembar, 11. Tatok, 12. Amang
14. Jala.**NAI-A YA METETTER****SHINER KA ALOKBAR KIDANGI TUSHI****Shiner** : Hai adianu, na yamai züpa züpaan dang alinungbo tanüla mekümkütsü ta yisui ashira no!**Alokba** : Oa! Nia takok tashi Tsüngrem külemer aser Pa tenzüker, ni joko term 3 buba deacon inyakera ko ya....**Shiner** : Ano ner chir kabu kimai aoba meyipa marutsüa ta ashira to !**Alokba** : O ! Ozü chir kodanga kimai maotsü, kechiaser ozü tanur ka danga mali kinungtsü kena kisüng dang alir.**Shiner** : Ena! Ner yimer bendanglen nungi tasümgang kar yimdaki bener aotsü ta tesayuba lir, Anungji item rong nung nerbo matentsü sarasademangno!**Alokba** : Aya, kinungtsü kenaprongla kodang südir yimdaki bener maotsü kena yakta lemtetatokogo.**Shiner** : Auni, teka tesa agi shirong aputsü meranerjito !**Alokba** : Shirong aputsüpuri puangma !*Lilir : I. Kilang Ajem, Indisen, Dimapur.***Manipur sorkari poppy tsünuba anentsütetuyuba agütsü**

Manipur sorkari Brehostibarnü forest ketdangsürtem dang state nung poppy alu ayimba nokdangtsü atema kümküma atatsü metetdaktsüogo.

Imphal, Rongjui/September**11 (Agencies):** Manipur sorkari Brehostibarnü forest ketdangsürtem dang state nung poppy alu ayimba nokdangtsü atema kümküma atatsü metetdaktsüogo.

Poppy metsü proktsü mapang tonga aruba mapang iba tetuyuba ya agütsüogo. Poppy metsü ya yimya agi September nungi April tashi nung proker.

Principal Chief Conservator of Forests Anurag Bajpai-i sangdong ka ajanga territorial divisional forest officers (DFOs) ajak dang pei

tawabangba kübok aliba tesemtem kanga junga meita atatsü tetuyuba agütsüogo.

"Poppy metsü proktsü mongpu tonga aruba mapang territorial DFO ajak dang ozüng alema inyaksangshirtemi iba amala alu ayimba nokdangtsü atema kümküma atatsü tetuyuba agütsür, koba ajanga ecology raksatsüa dang masü sakalokti health raksatsür," ta tetuyuba nung shia lir.

Tetuyuba nungsang arem ali nung poppy alu ayimba ya NDPS Act, 1985, Van (Sanrakshan Evam Samvardhan) Adhiniyam, 1980, agütsüogo.

aser Indian Forest Act, 1927 kübok provisions balala anema lir, ta shia lir.

DFO tem dang meita aoba sentong mapangshia benoka inyakstsü, staff tem kanga junga achaayanga yokstsü aser local police den sendaktepa drone surveillance amshitsü tetuyuba agütsüogo.

Tetuyuba ajangsa, poppy alu ayimba ngutetra inyakyim dak ajemdaker district administration, police, Narcotics and Affairs of Borders (NAB), aser paramilitary force tem den longjemer idangjisa raksa intoktsütsü asoshi tetuyuba agütsüogo.

Moran kini ST jenjang akhangba Akhil Gogoi-i pusemer**Guwahati, Rongjui/September****11 (Agencies):** Sivasagar MP aser Rajior Dal

lenir Akhil Gogoi-i Brehostibarnü ashiba agi, Nagaland nung ama Assam nunga Constitution kübok Article 371 benokra state ali aser mineral resources tem temzung ozüng kübok kümzüka yutettsü aser Assam indang national ken o telungtiba bentettettsütsü.

Iba nükla ya Moran kin-i tang movement ka tenzüker aliba den sendaktepa jembiba mapang Gogoi-i, Moran nunger densema lisopur kin trok atema Scheduled Tribe (ST) jenjang agizüksü asoshi tang ya tatembangbuba maongka asütsü ta tekümdangtsü

metetdaktsü.

Gogoi-isa, Moran nunger, Moran Students' Union aser parnok den sendaka aliba lokti tentet ajak nem parnoki Tinsukia jila nung parnok takhangba metetdaktsütsü atema nokdakba asoshi tenüng sang agütsü.

Iba rally ajanga tebilemdangba shitak aliba Assam nunger ajak kümküma kümdaktsüogo, aser iba ya CAB anema longkak aitba sülen lokti senden tulutiba asütsü südi.

Paissa, ST jenjang atema akhangba ya 2019 küm nungi Parliament nung bangdaka lir ta shia, iba takhangba agizüksü asoshi kuli balala agüja menomeyangba atema BJP-i aniba sorkar aitsüogo.

"Moran nungertemi longkak aitba ajanga Assam nunger ajungmesogo," ta Gogoi-i ashiba aden, Rajior Dal, Krishak Mukti Sangram Samiti, Nari Mukti Sangram Samiti, aser Chatra Mukti Sangram Samiti nunger ajak parnok den nokdaka lir ta ashi.

Paisa, Parliament nung bill ya magizük tashi longkak aitba ya manentsüla, ta ashi.

Gogoi-isa, Moran nungertemi tekübokba jenjang nungi jenjang tapet aginba atema parnok nem tenüng sang agütsüogo aser ashiba agi, parnoki nüburtem aika anidenba dang masü saka iba inyakyim maneni takok ngua aotsü asoshi senotsü aser logistic teyari agütsüepda.

PM Modi-i Manipur semdangtsü lia BJP lenirtem aikati party toktsü**Imphal, Rongjui/September****11 (Agencies):** Ato Kilonser Narendra Modi-i Manipur semdangtsü lia BJP lenir tongtibangtem aser BJP indang Phungyar Mandal nungi grassroot lenirtem aikati party toktsüogo.

43-Phungyar BJP Mandal aser parnok kübok züngoksema aliba Morcha tem nungi züngsemtemi parnok mapa

indang primary züngsemtem aikati iba jenjang agidar.

Mapa toktsürem rongnung 43-Phungyar BJP Mandal lir, Mahila Morcha lir, Yuva Morcha lir, Kishan Morcha lir, ST Morcha Executive, aser Booth lir 53 densema lir. Iba ajanga grassroot lenirtem aikati party toktsüba sayur.

Party inyakyim nung temulung masü. Onoki ozü lokti aser Manipur nungertem tajangzük atema maneni inyakstsü, "ta züngsemtem ashi.

mashishiteba, parnok akümtsübu masüba aser bendanga amshiba atema mepelaba lemsatepa liasü.

"Onoki party aser party indang ideology masetshi-i nongita aruogo. Ajisüaka party yongstsü nung tang inyakyim agi temulung masü. Onoki ozü lokti aser Manipur nungertem tajangzük atema maneni inyakstsü, "ta züngsemtem ashi.

Party züngsemtem aika atsünginba ajanga hill district tem nung aser talisa grassroots jenjang nung BJP tashi ajemogo.

Bali tzümetüsüng nung nisung 14 asü

Denpasar, Rongjui/Sept. 11 (Agencies): Indonesia linük kubok Bali nung tzümetüsüng adoka nisung 14 asü, koba küm ter dak tema nung tzümetüsüng tamajungtiba lir ta ketdangsür temi ashir.

Tzünglu kanga sashia aruba ajanga asetkok tesem timba nung tzümetüsüng adoka ayongkum alema tzü ayim. Tzü tangbo anenogo aser tzü arema alur, saka tekumzüker temi tang tashi takum alirtem bushiba mapang lir. Denpasar nung nisung ana samar bushir, kong nisung ti asü.

Mongulbarnü nungi nisung noklang aika pei kidang nungi anizüker oa liasü, kechiaser parnok aliba ki tzü agi metsüngbang. Tongtipang lenmangtem alinen agi nembang aser apu ana raksasa.

"Yangi aliba nüburtem kanga aoksa. Tzümetüsüng kanga tesashi liasü. Bali nung kilentzü aoba lenmang peria lir südi ta bilema liasü," ta Bali nung alir

kati osangbener dang ashi. Provincial government-i hopta tepiyong atema state of emergency sangdonga lir.

Tir Prabowo Subianto-i Bodhbarnü sangdong ka nung tzümetüsüng atema tejashi lemsatepa liasü. Tiri nüngdakba agencies ajunga dang tekeraba nung mera agitsü tuyu aser "targeted aid" nüngdaker ta ashi.

Bali indang search and rescue agency tekolakba Nyoman Sidakarya-ia tzümetüsüng aliba tesemtemi aotsü kanga tim atemer, ta osangbener dang ashi.

"Tesem ajunga nung tzümetüsüng lir, trucks tem saksaka senzüteter," ta pai ashi.

Bali south-west tsütsü Jembrana Regency nung nisung ana electrocution ajanga asü aser tzü agi ponger ao, ta ketdangsür temi ashir.

Bali yimtiba Denpasar nung nisung ti tasümgang ngutet aser Gianyar nung asem ngutet.

Badung County nung nisung ka asü.

Bali south-west tsütsü Jembrana district nung nisung 85 shi khen atema yangluba tesem bushia anir ao, aser Denpasar nung ki tulu ana lao.

Indonesia nung ajungben tzümetüsüng aser tzünglu tesashi agi kongshiba asetkongji Bali kisüng masü.

Anasa East Nusa Tenggara province nunga nisung asem asü aser ana yiru, ta disaster agency ajanga Mongulbarnü shia liasü.

Bali nung ghonda 24 tsüngta tzünglu 385mm dak tema arua liasü.

Tourist tem asoshi nüngtugu tesemtem nunga kanga sashia kongshiba hotels aser businesses tem kanga timtemtar. Tesem kar nung jana ajanga drainage systems nokdanga tzümetüsüng tamajungba akum ta ketdangsür temi ashir. Iba asetkong nungya jana-reja ketdangsüba aser ki ojen junga meyangluba timtem mapang talangka nungi lir.

Israel-i amakba atema Qatar-i lungjemer langzütsü bushir

Doha, Rongjui/Sept. 11 (Agencies): Israel-i Qatar yimtiba Doha amakba nung lungjemer telangzüba agütsütsüla, ta Qatar Ato Kilonser Mohammed bin Abdulrahman bin Jassim Al Thani-i ashi.

"Telangzüba ka lir aser ibaji region nungi inyaktsü. Iba telangzüba atema region nung tembar linüktem den shisa agia jembishinüba mapang lir. Gulf region ajunga lendong nung lir," ta pai osangbener dang Bodhbarnü ashi.

"Israel-i tanen makai mesüshiba nokdangtsü asoshi tetetzü akaba langka kar atema imlar," ta Sheikh Mohammed-i ashi aser Israel Ato Kilonser Benjamin Netanyahu-i region ya rongrongshirong leni anir ta aitsü.

US Tir Donald Trump-i tang tesüsa Gaza ceasefire proposal agütsüba jembitsü asoshi Hamas lenirtem Mongulbarnü Doha nung senden amenba mapang Israel mitkari amak.

Iba mapang nisung tenet tepset, saka Hamas-i par lenirtem tepsettsü merangba nungi jenbuogo ta ashi. Qatar-i iba lendong nung par security officers ana tepset ta ashi, koba asoshi linük balalai aitsü.

Bodhbarnü France Tir Emmanuel Macron-i Qatar indang Emir Sheikh Tamim bin Hamad Al Thani den phone ajanga jembidang Israel-i amakba aija liasü.

Doha amakba ya Israel-i arütsü alema oa amakba nung shilem ka lir aser ghonda 72 tsüngta linük trok buba aser küm tenzüker linük tenet buba amakba alitsü. Bodhbarnü Israel-i Yemen amakdang nisung 35 tepseta liasü.

Lebanon nung Hezbollah telok leniri Bodhbarnü ashiba agi, Israel-i Qatar amakba ya totzü peria aliba Gulf linüktem nung telungpur makdak takok ngura linük kata metoktsütsü ta tekumdangtsü ashir lir.

Onok Qatar den lir aser Palestinian resistance den lir,"

ta Naim Kassem-i ashi. Israel nungeri amakba ya Middle East tesem tuluka nung "Greater Israel" yanglutsü merangba nung shilem ka lir ta pai ashi.

"Greater Israel" ya ultranationalist Israel nungeri bhukumer, aser ibai occupied West Bank, Gaza, Lebanon, Syria, Egypt aser Jordan shilem kar nung kibur akumtsü mangdang athishir ama angateter.

Israel-i Gaza nung kin ajunga samatsütsü meranger ta rights groups balalai aitsü, saka ibaji ajanga parnoki bomb poklokja amakba manen. Bodhbarnü Israel-i Gaza tesem balala amakba nung nisung 72 tepset, anungji 2023 küm October ita nungi tang tashinung Palestine nunger tepsetba 64,656 dak tema ajunger. Israel-i Gaza City makdoktsü merangba tali tesashiba kumogo, kong Palestine nunger million ka dak tema alir.

Nagaland Wushu Association senden menogo



Akhoso den Nagaland Wushu Association (NWA) ketdangsürtem aser tang lenirtem NOA office nung senden amenba mapang tangokba noksa nung angur.

Kohima, Rongjui/ September 11 (TYO): Indian Olympic Association Nagaland Wushu Association aser Government of Nagaland (NWA) Annual General Body Meeting (AGM) September 11 nü NOA office, Kohima nung menogo. Iba senden ya Nagaland Olympic Association (NOA) tawabangba kubok mena liasü.

Senden nung o jembiba mapang NWA General Secretary, Akhoso-i, züngoksema aliba district association temi tongtibang shilem agiba indang lemsatep aser parnok ya state nung iba

asaya tongtiret aser tamendakdak lir ta ashi. Paisa, district temi dang lanur asayartem jangjateta anitetsü atema longjemer inyaktsü temulungdang yur mepeshiba den professional asayartem anitetsü atema grassroot nung terenlok

Paisa, züngsemtem dang iba asaya renloka odakstsü atema teyari agütsütsü, aser national jenjang nung teti medal ngua asayaba ajanga Nagaland ya jangjadakstsü ayongzüka liasü.

Tarutsü indang jembiba mapang pai association dang teti inyakyimtem indang dang mebilemi medal angutsü atema longjemer inyaktsü temulungdang yur inyaksangshitsü mepeshi. Paisa, 2036 Olympic Games, koba India-i host asütsü

koba India-i host asütsü

sentong lir, iba atema asayartem renemshitsütsü densema mapang talangka agia ajangzüksüba nükjidongtem ayutsü ajungshia liasü.

Senden nungsa October 21 nungi 23 tashi senior, junior, aser sub-junior category temi atema Nagaland Wushu Championship (Sanda event) ayongzüksü bangjema liasü.

Kasa mapang nung judges' seminar aser technical training sentong ka NIS-certified coach Gabriel Khamo-i achaayanga tang tagidak lir. State nung officiating jenjang aser technical expertise tajungba kümakstsütsü atema iba sentong ya ayongzüka agidar.

AGM nung district associations balala nungi lenirtemi shilem agia liasü.

Neeraj-i anir India team World Athletics C'ships asayatsü



Rongjui/September 11, 2025 (Agencies): World Athletics Championships 2025 Tokyo, Japan nung September 13 nungi 21 tashi asayatsü aser India nunger asayar 19 Olympic aser world champion Neeraj Chopra-i anir asayatsü.

Nüngtugu javelin asayar Chopra, shibai 2023 küm Budapest nung gold medal ngua liasü, pai iba asayamung nung pa indang title defend asütsü.

Puti otsü nung tang mezüngbuba India nunger tebur javelin asayar pezü international asayamung ka nung asayatsü lir. Chopra den Sachin Yadav, Yashvir Singh, aser Rohit Yadav

nunger asayaba angutsü. Asemteper Animesh Kujur-ia otsü tasen ka yanglua pa ya India nunger rongnungi World Championships nung tebur 200m asemtepera atema qualify asüba mezüngbuba asayar kümogo.

Hungary nung taoba asayamung nung relay team densema India nunger asayar 28 oa asaya, saka takümba India nunger relay team ka danga qualify masü. India team nung asayar 19 rongnung tebur 14 aser tetsür 5 densema lir. Iba team ya Athletics Federation of India senior selection committee senden amenba sülen sangdonga liasü.

Tetsür: Parul Chaudhary and Ankita Dhyani (women's 3000m steeplechase), Annu Rani (women's javelin), Priyanka Goswami (women's 35km race walk), Pooja (women's 800m and 1500m).

ICC ODI rankings nung Archer tasembubai tuogo

Rongjui/September 11, 2025 (Agencies): Bodhbarnü sayaba ICC ODI bowlers Rankings nung England nunger fast bowler Jofra Archer tang mezüngbuba top three-i iogo, koba pa indang career nung tang tashi nung jenjang tajungtiba tongtetba liasü. Pai tang temaba jenjang nung aliba South Africa nunger asayar Keshav Maharaj rating points 26 agi dang memenepi lir. Kasa asayamung nung Maharaj-ia wicket ti agia liasü.

South Africa den ODI asayamung kanga junga asayaba sülen arishi küm 29 tain asayar ya jenjang 16 tejakdangi tua tang 3buba nung lir. Iba asayamung nung pai asaya asem nung wicket ti agi.

Asaya asem rongnung Archer-i Southampton nung tatembangbuba asaya nung tajungba asaya. Iba asayamung nung pai over teku nung run 18 agütsür wicket 4 agia liasü. Archer-i anir bowlewr temi ball kanga junga aonba sülen asaya nung South Africa team-i run 72 dang yanglu, koba tebur ODI asaya nung tang tashi nung run ishitiba yangluba asütsü.

Pai asayamung tepeyong kanga junga asayaogo. Leed nung mezüngbuba asaya nung pai ball kanga junga ona run aikabo magütsü saka wicket bo ka danga magitet. Iba sülen pai Lord's nung run 62 agütsür wicket pezü agi. Maneni Southampton nunga pai wicket

Hong Kong Open: Ayush Shetty quarterfinal-i iogo



tebur tarep asaya quarterfinals-i iogo. Tenati Thailand nunger tarep Peeratchai Sukphun aser Pakkapon Teeraratsakul na koka liasü.

Rankireddy aser Shetty nati game ka mekoki aliba nungi meyipa tur iba asaya ya 18-21, 21-15, 21-11 agi koka liasü.

World number 9 Satwik aser Chirag na taruba asaya Malaysia nunger tarep Junaidi Arif aser Roy King Yap na den asayatsü. Tenati taoba ita-ang Paris nung World Championships nung bronze medal nguogo.

India nunger tarep yagi asaya jung metenzüktet aser mezüngbuba game nung tena 8-11 agi tesülen liasü. Asaya tatemi tarep ana tsüngda point 18-18 liasü saka iba sülen Sukphun aser Teeraratsakul nati point asem atonga ngua asaya akok.

Mezüngbuba game makokba sülen Satwik aser Chirag nati asendenshir kanga meranga asaya. Tanabuba game nung asaya tom tashi telok anaprongla point meneptepa asaya saka iba sülen India nunger tarep yagi tajungba asaya-a 21-15 agi asaya akok.

Tasembuba game yabo Satwik aser Chirag nati tetenzük nungi amokbanger asaya aser Thai nunger tarep nem ya kecha maongka magütsü asaya kokatok.

BILEMDANGANG

"Nai ajururtem ajaki nai memetetba langkabo meteta lir."